



Universitätsbibliothek Paderborn

De Vetere Clerico, Monacho, Clerico-Monacho, Libri Tres

Primus veterem habitum: Secundus conuictum ac disciplinam: Tertius honores ac priuilegia describit

De Clerici, Monachi Vetere Institvto. Liber Primvs - Distinctus in tres Partes. In quibus, praeter veterem eorum habitu[m], multa quoque inserta de veste veterum laicorum. Breuiterq[ue] explicata singulorum origo, & antiquitas.

Landmeter, Laurentius

Lovanii, 1626

Cap. XIV. Etiam Gentiles aliquid de hoc ritu obseruasse.

urn:nbn:de:hbz:466:1-11007

CAPVT XIV.

Etiam Gentiles aliquid de hoc ritu obseruasse.

O Biter hîc obseruo, aliquid de hoc ritu religioso, Gentium vanitatem in suas superstitiones transtulisse. Constat enim ex Plinio, Consueuisse virginem vestalem, vbi per Pontificem in Vestæ Sacerdotem capta erat, abscissum crinem (Vestæ nimirum sacrum) in arbore lotos suspendere. vnde arbor capillaris dicta. Sed nihil hæc superstitio ad Christi virgines, quæ non Vestæ crinem resecant: sed in symbolum consecratæ Deo mentis, vnà cum crine significant, *abdicata sibi lenocinia pulchritudinis*, vt alibi de eis loquitur Ambrosius. Præsertim cum mulierum genus valdè φιλόκοσμον soleat in crinium & capitis compositione exorbitare. Vnde est falsa Comici irrisio.

*In resp.
ad Syn-
machus.*

Dum parantur, dum comuntur annus est.
vt meritò peculiariter monuerint eum
sexum

2 Tim 2
1. Pet. 3. sexum Apostoli, ne sit eis ornatus in *tortis crinibus*, aut *extrinsecus capillatura*. Declaravit vtrumque S. Hieronymus, loquēs de ea quæ de sæculo transierat ad religionem, *Tunc* (inquit *crines ancillula disponebant, & mitellis crispantibus vertex arētabatur innoxius; nunc neglectum caput* (imò & tonsum) *scit sibi tantum sufficere si veletur.*

Baron.
Tom. 11.
an. Do-
mini
1035. Obseruo præterea, grauitè in hoc ritu errasse Audericum quendam Hybernum, famâ sanctitatis alioqui celebrem. qui virgines more Clericorum in coronam tondebat, ac ita sine velamine iubebat incedere. Sed nihil duravit hic error, mox explosus vt ridiculus, & alienus ab Ecclesiasticâ consuetudine.

Cucullam sequitur Tunica.

C A P V T XV.

Quid Tunica. Quid Rasa. Rachana. Rachanella. Rasophori.

Agell. 7.
cap. 18. **P**Orro Tunicæ sine manicis erant. Et sanè veteri æuo, *Roma ac toto latio,*
tunicis